

tendum tamen in incremento non tantum refrigerandum ac reperiendum, sed etiam simul digerendum esse. Quare in augmento solum oleum rosaceum usurpandum, & in statu. In declinatione vero in oleo prædicto quædam resolutiva incoquenda, hoc modo:

℞. Flor. chamemel. meliloti, an. p. i.  
sem. fœniculi ℥ i.  
decoque in oleo rosaceo vel violaceo.  
Expressioni adde croci momentum & vini tantillum.

Quod si dolor sæuissimus à causa calida ortus urgeat, parabitur ex lacte vaccino recens mulso, vel lacte muliebri è mamma iniecto, vel ex decocto refrigerante, addito croci gr. i. aut. ii. Et si intensissimus sit dolor, licet opii gr. i. addere. Verum stupefacto partis sensu & dolore sublato, ne noxa ex opii usu contingat, oportet infundere parum olei de castorio cum vino.

Si vero à causa frigida dolor oriatur, siue cum tinnitu, siue citra sonum, iniectiones fiunt ex oleis calidis, chamomelino, anethino, amygdal. amararum, de castorio, ut si duorum aut trium ex his misceas ℥ β. aut ℥ i. addendo aquæ vitæ ℥ ii. Ex his guttæ aliquot calidæ iniiciuntur in aurem quater aut quinques in die, & auris bombace obturatur. Vel si prædicta olea defint:

℞. oleor. rutac. amygdal. amarar. an. ℥. i.  
garyoph. nucis mosch. an. ℥ i.  
sem. anisi, dauci, an. ℥ ii.  
bulliant simul ad mediæ partis absorptionem.

f. ex.